



Oqaasiliortut ataatsimiinnerat 17.12.2019 nal. 9.30-12.00

Peqataasut:

Oqaasiliortunit: Mariia Simonsen, Karen Ramsøe aamma Hans Kristian Olsen.

Oqaasileriffimmit: Lisathe Møller, Katti Frederiksen kiisalu aternut tunngasuni Tikaajaat Kristensen aamma Ane-Mette B. Damgaard

Peqquteqarlutik peqataanningsut: Knud Møller aamma Juaaka Lyberth.

Oqaluuserisassat:

1. Oqaluuserisassat akuerineqarnerat.

Oqaluuserisassani nr. 4, 5a, 5b aamma 9 kinguartinneqarput.

2. Kingullermik ataatsimiinnermit imaqarniliap akuerineqarnera.

Oqaasiliortut novembarip 7-anni 2019-imi ataatsimiinnerannit imaqarniliaq akuerineqarpoq.

3. Siulittaasumit Oqaasileriffimmillu ilisimatitsissutit. Oqaasileriffimmit ilisimatitsissutit allassimasut tusaatissatut tiguneqarput.

4. Siulittaasup tullissaanik qinersineq, suleriaaseq § 2.

Qinersinissaq kinguartinneqarpoq ilaasortat tamakkersimasariaqarmata.

5. Aalajangiivigisassat

a. Juaaka Lyberthip siunnersuutigisaa naqinneq /d/ Kitaamiut aqqini aamma atorneqarsinnaalernissaanik Oqaasiliortunut eqqartugassanngortitaa

kinguartinneqarpoq.

b. Knud Møllerip siunnersuutigisaa nunap suatungaaniinneq apeqqutaatinnagu, Tunumiut Avannersuarmiullu naqinnernik d-mik aamma h-millu atuisinnaalernissaat pillugu

Oqaasiliortunut eqqartugassanngortitaa **kinguartinneqarpoq.**

6. Duuda niviarsiaqqat aqqattut qinnutigineqartoq.

Duuda niviarsiaqqat aqqattut taama allallugu aterineqartussatut itigartitsissutigineqarpoq.

Aqqit allattaaseq naapertorlugu allanneqartussaammata Tuuta akuerineqarpoq.

Duuda allamiut aqqannit pilerfeqarpat Kirkeministeriamut qinnutigineqarsinnaavoq.

7. Aalajangiivigisassat allat:

a. Atsiiniarnermi najoqqutassat allannguutissaattut siunnersuut akuerineqarpoq.

Ilanngussaq 1-imi oqaaseq "Avannersuarmiut" atorneqassanersoq misissorneqassaaq, taamatullu Tunumiut aqqini d-p atorneqarsinnaanera pillugu nassuiaammik paasinarnerusumik ilanngussisoqarluni tullissaanimut piareersaasoqarnissaa isumaqatigiissutigineqarpoq.

b. Inuit aqqinik qinnuteqartoqartillugu atsiiniarnermi najoqqutassat malillugit

itigartitsisoqassagaangat Oqaasileriffik pisinnaatinnearusuppoq qinnuteqaatit

taamaattut Oqaasiliortunut ingerlateqqinngikkaluarlugit itigartitsisinnanissamut.



Oqaasiliortunut tamakkerpata tamanna eqqartorneqaqqissaq aalajangiivigineqarlunilu. Aalajangernissamut tunngavissamik erseqqinnerusumik Oqaasileriffik piareersaateqassaaq.

c. Ataatsimiinnerup siulianit maannamut (08/11-2019-9/12-2019) inuit aqqi e-mailikkut suliarineqartut:

- *Pipa* 19/11 niviarsiaqqat aqqattut akuersissutigineqarpoq. Oqaasiliortunut ilaasortat tallimat tamarmik akuersipput.
- *Minikka* 15/11 niviarsiaqqat aqqattut akuersissutigineqarpoq. Oqaasiliortunut ilaasortat tallimat tamarmik akuersipput.
- *Makki* 26/11 niviarsiaqqat aqqattut akuersissutigineqarpoq. Oqaasiliortunut ilaasortat tallimat tamarmik akuersipput.
- *Malouk* 5/12, Kirkeministeriamut ingerlatinneqarpoq.

8. Kalaallisut taaguusigassat:

a. kalaallisut taaguutissat makku Oqaasiliortut akueraat:

delmål	anguniakkat immikkoortut ilaat
verdensmål	nunarsuarmi anguniagaq (qass. nunarsuarmi anguniakkat)
verdensmål for bæredygtig udvikling	pijuartitsilluni ineriartortitsinermi nunarsuarmi anguniagaq (qass. pijuartitsilluni ineriartortitsinermi nunarsuarmi anguniakkat)
FN's verdensmål for bæredygtig udvikling	pijuartitsilluni ineriartortitsinermi FN-ip nunarsuarmi anguniagaa (qass. pijuartitsilluni ineriartornermut FN-ip nunarsuarmi anguniagai)
FN's verdensmål	FN-ip nunarsuarmi anguniagaa (qass. FN-ip nunarsuarmi anguniagai)

(FN = Naalagaaffiit Peqatigiit. FN-imik allassimasut Naalagaaffiit Peqatigiinnik taarserneqarsinnaapput, ass. Naalagaaffiit Peqatigiit nunarsuarmi anguniagaat, pijuartitsilluni ineriartortitsinermi Naalagaaffiit Peqatigiit nunarsuarmi anguniagaat. Maluginiarneqartariaqarpoq peqatigiit qasseersiutaammata FN-ilu atasersiutaalluni.)

- b. Oqaasiliortut ataatsimeeqataasut pingasuullutik **infrastruktur** pisortatigoortumik ima taaguuteqartussatut akuerivaat **attaveqaasersuutit**.
- c. Oqaasiliortut **sanitet** pisortatigoortumik ima taaguuteqartussatut akuerivaat **sukuluisarneq**.
- d. *Fake news & falsk brev*.



- i. Oqaasiliortut ataatsimeeqataasut **fake news** pisortatigoortumik ima taaguuteqartussatut akuerivaat **nutaarsiassaq salluliut (nutaarsiassat salluliutit)**.
 - ii. *Falsk brev* qanoq isumaqarpiarnersoq paasinialugu Dansk Sprognævn saaffigineqareerpat eqqartorneqaqqissaaq.
9. **Suliat allat pillugit ilisimatitsineq**
Oqaasileriffiup tusagassiorfinnut kiffartuussinera pillugu Oqaasileriffimmi atorfillip Tikaajaat Kristensenip saqqummiinissaralua kinguartinneqarpoq, isumaqatigiissutigineqarporlu saqqummiussassaa allaganngorlugu Oqaasiliortunut apuunneqassasoq.
10. **Ataatsimiinnissap tulliaata ullulerneqarnera.**
Oqaasiliortut tulliani ataatsimiissapput pingasunngornermi februaarip 19-ianni 2020 nal. 9.30-12.00.
11. **Tamalaat.**
Hans Kristian Olsenip siunnersuutigaa ataatsimiinnermi pappiaqqat atugassat pdf-filinngorlugit ataatsimoortillugit Oqaasiliortunut nassiunneqartassasut. Tamanna naammassiniarneqassaaq.

Ataatsimiinnermi peqataasut:

Mariia Simonsen
siulittaasoq

Karen Ramsøe
ilaasortaq

Hans Kristian Olsen
ilaasortaq

Ataatsimeeqataannngitsut imaqarniliaq atuarsimallugu uppernarsarpaat:

Juaaka Lyberth
ilaasortaq

Knud Møller
ilaasortaq